



Pou Piblikasyon Imedya: 22/05/2023

GOUVÈNÈ KATHY HOCHUL

GOUVÈNÈ HOCHUL ANONSE YON LÒT 146 MILYON DOLA YO AKÒDYE ATRAVÈ INISYATIV RESTORE KOMINOTE NEW YORK YO

70 pwojè yo te resevwa 112.9 milyon dola pou redinamize anba lavil yo ak jenere opòtinite ekonomik

Kat minisipalite te resevwa 33.6 milyon pou pwojè espesyal ki pral transfòme pwopriyete delabre ki trè vizib pou ankouraje kwasans kominotè ak ekonomik

Gouvènè Kathy Hochul te anonse jodi a plis pase 112.9 milyon dola yo akòde pou 70 pwojè atravè Inisyativ Restore Kominote New York (Restore New York Communities Initiative) yo. Restore New York sipòte efò revitalizasyon minisipal yo atravè eta a, sa k ap ede elimine delabreman, re-anime sant vil yo, ak jenere opòtinite ekonomik nan kominote yo nan tout eta a. Pwogram nan, ki administre pa Empire State Development, fêt pou ede gouvènman lokal yo revitalize kominote pa yo epi ankouraje envestisman komèsyal yo, amelyore stock lojman lokal la, remete pwopriyete yo sou lis fiskal yo epi ogmante baz fiskal lokal la.

"Sibvansyon Restore New York sa yo pral ede re-imajine sant vil yo atravè eta nou an epi transfòme biling ki vid, ki delabre, epi ki pa itilize ase yo an yon ankray kominotè dinamik", **Gouvènè Hochul te deklare.** "Gras ak 146 milyon dola nan envestisman eta a, n ap soufle yon novo lavi nan kominote yo soti nan Hudson rive nan North Hempstead, sa k ap relanse novo aktivite ekonomik, epi n ap asire Eta New York kontinye rete yon kote pou moun vin viv, travay, epi leve fanmi yo."

Gouvènè a t anonse you ke yo te akòde plis pase 33 milyon dola pou kat minisipalite nan faz sa a pou pwojè espesyal yo. Yo akòde pwojè espesyal pou minisipalite yo kote yon pwopriyete trè vizib epi ki delabre ki lakòz gwo domaj ekonomik epi ki gen yon efè depresif sou potansyèl devlopman ekonomik jeneral kominote a. Pwojè espesyal ki nan faz sa yo gen ladan yo:

- **Vil Lyons** nan Konte Wayne pral resevwa prèske 6.6 milyon dola pou pwojè Distri Kanal li a,
- **Vil Auburn** nan Konte Cayuga pral resevwa 8.5 milyon dola pou renove ansyen etablisman Bombardier la,

- **Konte Ulster** pral resevwa 10 milyon dola pou renovasyon nan iPark87, ansyen kanpis IBM, epi
- **Konte Jefferson** pral resevwa plis pase 8.5 milyon dola pou demolisyon ansyen faktori papye St. Regis nan Vilaj Deferiet.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Inisyativ Restore Kominote New York la bay finansman vital pou ede patnè minisipal nou yo jwenn fason kreyatif pou redvelope ak transfòme katye yo an zòn ki soulaje kominote yo apre plizyè ane an deklen. Restore New York abòde delabreman iben an tèt pou tèt, sa ki pèmèt nouvo posiblite ki ankouraje efò devlopman ekonomik lokal pou ane k ap vini yo."

Pwojè ki prioyize nan chak rejyon yo detaye anba la epi gen yon lis konplè pwojè ki ap resevwa finansman yo ki disponib [isit la](#).

Yo te bay Rejyon Kapital la 13 milyon dola pou sipòte 11 pwojè. Gran pwen yo enkli:

- **Vil Schenectady** pral resevwa 2.75 milyon dola pou demoli yon konsesyonè oto ki vid nan 754 State Street, pou fè plas pou yon novo bilding komèsyal. Yo pwopoze yon makèt pou sit sa a, ki sitiye nan yon dezè alimantè.
- **Vil Rensselaer** pral resevwa 2 milyon dola pou reyabilitasyon ansyen Lekòl McManus la an 49 apatman, 7,500 pye kare espas komèsyal ak ekipman pou travay an komen.

New York Santral te resevwa plis pase 23 milyon dola pou sipòte nèf pwojè. Gran pwen yo enkli:

- **Vil Auburn** (Gayan Pwojè Espesyal) pral resevwa 8.5 milyon dola pou ansyen etablisman Bombardier ki sitiye nan 151 Orchard Street la pou reyabilite espas la pou atire konpayi chèn apwovizyonman yo ki pral enterese akòz megafabrikasyon Micron an nan Clay.
- Vil Cortland pral resevwa 2 milyon dola pou redvelopman Lekòl Elementè Parker a an inite lojman pou mendèv.
- Vilaj Mexico pral resevwa plis pase 1.8 milyon dola pou ansyen John Beck's Hotel la, yon otèl ki gen anpil enpòtans istorik ki te konstwi an 1897 epi ki pral konvèti an yon bilding pou itilize miks ki gen yon kafe, restoran/ba ak yon otèl.

Finger Lakes te resevwa plis pase 20.5 milyon dola pou sipòte 10 pwojè. Gran pwen yo enkli:

- **Vil Lyons** (Gayanè Pwojè Espesyal) pral resevwa prèske 6.6 milyon dola pou rezijans Distri Kanal la. Pwojè sa a gen ladann demolisyon, dekonstriksyon, rekonstriksyon ak reyabilitasyon pwopriyete yo ki totalize 67,124 pye kare total pou konstwi 37 inite rezidansyèl ki gen ladan 25 inite lojman abòdab.
- **Vil Carlton** pral resevwa 1 milyon dola pou renovasyon Nesbitt Manor otou Johnson Creek pou founi sèt chanm pou lokasyon ak yon espas pou evènman. Y ap renove yon remiz azwazinant kòm yon espas kafe, kwizin ak patyo ki bay sèvis konplè.

- **Konte Monroe** pral resevwa 3 milyon dola pou renovasyon biling Sibley Triangle nan Rochester, pou kreye espas komèsyal ak pou vann an detay nan premye etaj la ak inite rezidansyèl pou elèv nan etaj ki anwo yo.

Long Island te resevwa 4.65 milyon dola pou sipòte de pwojè.

- **Vilaj Hempstead** pral resevwa 2.65 dola pou Carman Place Apartments. Vilaj la ap travay ansanm ak Conifer Realty pou demoli pasvl ki an deklen ak vid yo epi konplete travay enfrastrikti pou konstwi yon devlopman pou itilizasyon miks ak 228 inite rezidansyèl abòdab espas pou vann an detay nan premye etaj la.
- **Vilaj Port Jefferson** pral resevwa 2 milyon dola pou demoli de biling ki vid epi konstwi yon devlopman pou itilizasyon miks nan Estasyon Port Jefferson lan. Pwojè a ta gen ladan 53 inite rezidansyèl abòdab ak anviwon 2,500 pye kare espas komèsyal yo.

Rejyon Mid-Hudson lan te resevwa plis pase 21.7 milyon dola pou sipòte 10 pwojè. Gran pwen yo enkli:

- **Konte Ulster** (Ganyan Pwojè Espesyal) pral resevwa 10 milyon dola pou reyabilitasyon yon ansyen kanpis IBM ki gen plis pase 80 ekta nan Vil Ulster nan iPark 87/National Resources. Pwopriyete yo kounye a pozisyone pou reyaktivasyon atravè reyabilitasyon sibstansyèl ak amelyorasyon enfrastrikti. Pwomotè a pral envesti plis pase 200 milyon dola nan ane k ap vini yo nan kanpis la. Pwojè yo pwopoze a se reyabilitasyon de biling kanpis ki te konstwi an 1956. Biling 1 an se yon laboratwa ak biwo fabrikasyon anvan ki mezire 275,000 pye kare. Biling 2 se yon biling orijinalman pou sèvis manje ak depo frigo ki mezire 37,000 pye kare. Biling sa yo ki deja egziste yo te soufri deteryorasyon epi yo bezwen renovasyon sa yo anvan yo reyitilize yo.
- **Vil Yonkers** pral resevwa 2.7 milyon dola pou Redevlopman Faz VI Cottage Place Gardens lan, ki se yon pwojè milti-faz ki pral transfòme yon konplèks lojman publik ki gen difikilte an yon kanpis biling ki efikas an enèji ak apatman modèn abòdab ak nouvo espas komèsyal modèn. Ansyen konplèks CPG a, ki te konstitye 256 inite atravè 14 biling, te genyen estrikti ki aje, kèk ekipman, ak yon konsepsyon sit izole. Faz VI la pral ranplase twa biling ki an deklen ak yon nouvo devlopman 8 etaj ki konplètman elektrik ak 92 inite pou fanmi ki nan 30%, 50%, ak 60% AMI an oswa pi ba. Faz sa a pral fèt pou reyalize sètifikasi Enstiti Kay Pasif (Passive House Institute, PHIUS) la.
- **Vil Liberty** pral resevwa 1.15 milyon dola pou The Green Building ki se yon byen ki egziste nan Vilaj Liberty. Pwojè reyabilitasyon 45,000 pye kare sa a pral re-establi 15,000 pye kare nan byen imobilye komèsyal prensipal nan premye etaj la. Yo pral renove epi itilize yon lòt 30,000 pye kare nan dezyèm ak twazyèm nivo kòm espas biwo adisyonèl, oswa chanjman dekoupaj zòn ki annatant, apatman ki pral ajoute nan stock lojman Liberty a.

Mohawk Valley te resevwa 12.1 milyon dola pou sipòte sèt pwojè. Gran pwen yo enkli:

- **Vil Utica** pral resevwa 3 milyon dola pou redevlopman Hotel Street la. Pwojè a gen ladan de twa biling ki konekte ak yon total de 87,000 pye kare ki sitiye nan

Distri sid istorik la epi li se yon pwen koneksiyon ak Genesee Street, Mohawk Valley Hospital System, Nexus Center ak Harbour Point.

- **Vilaj Fort Plain** pral resevwa 1 milyon dola pou reyabilite 20-22 Main Street ki gen ladann reyabilite yon bilingd pou itilizasyon miks ki vid kounye a epi ki pa sèvi ase ki gen twa etaj ki pral gen kat apatman ak de espas komèsyal. Bilingd lan reprezante yon gwo danje pou sekirite piblik la epi reyabilitasyon an pral pwvoke nouvo envestisman komèsyal ak amelyore stock lojman lokal anba lavil la.

Rejyon North Country a te resevwa plis pase 21.5 milyon dola pou sipòte 10 pwojè. Gran pwen yo enkli:

- **Konte Jefferson** (Ganyan Pwojè Espesyal) pral resevwa plis pase 8.5 milyon dola pou demoli ansyen faktori papye St. Regis la nan Vilaj Deferiet epi kreye yon sit ki gen yon objektif pou kreye plizyè pwojè kominotè ki gen rapò ak enéji renouvlab, endistriyèl lejè/komèsyal, ak amelyorasyon restorasyon abita yo.
- **Vilaj Canton** pral resevwa 2 milyon dola pou revitalize Mid-Town Plaza la ki gen ladann demolisyon, reyabilitasyon, ak rekonstriksyon yon ansyen plas komèsyal ki gen 6 pwopriyete an itilizasyon miks ak komèsyal ak yon Sant Antreprenarya.
- **Village of Tupper Lake** pral resevwa plis pase 1.6 milyon dola pou Faz I nan pwojè redevelopman Oval Wood Dish Factory a ki pral gen ladan redevelopman 126,000 pye kare espas vid nan nèf bildin ki konekte kòm lojman pou mendèv, travay an komen ak nouvo espas komèsyal.

Southern Tier te resevwa plis pase 11.9 milyon dola pou sipòte uit pwojè. Gran pwen yo enkli:

- **Vilaj Watkins Glen** pral resevwa 2 milyon dola pou redevelopman yon konsesyonè machin vid ki pral demoli. Yon nouvo bilingd ki fèt pou sa pral akeyi vizitè yo ak eksposisyon, l ap bay vizit, pwogram edikatif ak lòt aktivite ki dokimante ak pataje istwa sa a nan fason nouvo ak inovan nan kreye yon sant istwa ki baze sou eksperyans ki selebre istwa kous veyikil a motè atravè mond lan, ki gen ladan 75 ane istwa kous nan Vilaj la.
- **Vil Binghamton** pral resevwa 2 milyon dola pou pwojè Crowley Factory Lofts la, k ap transfòme ansyen bilingd Crowley Dairy Company an ki mezire 73,000 pye kare, ki te rete san fè anyen depi 2017. Pwojè a, ki sitiye nan 149 ak 135 Conklin Avenue, pral retabli dezyèm ak twazyèm etaj bilingd bò litoral la ak 48 inite lojman ki gen yon sèl ak de chanm nan pri mache a. Premye etaj la pral espas komèsyal fleksib.

Rejyon Lwès New York te resevwa 12.8 milyon dola pou sipòte sis pwojè. Gran pwen yo enkli:

- **Vil Cheektowaga** pral resevwa 2.57 milyon dola pou Pwojè Harlem Villa Commons lan ki pral demoli twa bilingd vid, konbine sèt espas epi konstwi yon konplèks lojman abòdab ki gen senk etaj ak 93 inite, ki gen ladan 1,500 pye kare nouvo espas komèsyal.
- **Vil Buffalo** pral resevwa 4 milyon pou demoli 24 bilingd ki te kraze ak 330 inite lojman vid ki pa abitab nan 448 South Park ak 339 Perry Street nan Vil Buffalo.

Developè a ap planifye pou konstwi 415 inite lojman abòdab sou pasèl sa yo apre demolisyon an fini.

Vil New York te resevwa 5 milyon dola pou yon pwojè:

- **Vil New York** pral resevwa 5 milyon dola pou pwojè Gowanus Green Building A, yon bilding ki gen anviwon 172,000 pye kare pou itilizasyon miks ki gen 188 inite lojman abòdab. Prèske 60% nan inite yo pral abòdab pou fanmi ki gen revni ba ak trè ba yo. Bilding A pral genyen tou apeprè 8,000 pye kare espas pou vann an detay, reyaktive 230 pye fasad sou lari epi konekte koridò pou vann an detay yo ak nò ak sid.

Bidjè Egzekitif ane fiskal 2024 la, ki gen ladan 50 milyon dola pou Inisyativ Restore Kominote New York la, pral ranfòse ekonomi eta a epi akselere vizyon Gouvènè Hochul pou fè New York vin yon eta ki pi pratik pou biznis ak travayè yo nan nasyon an. Bidjè a pral envesti nan ekonomi lokal yo, ogmante salè minimòm pou twa ane ak apresa mare ogmantasyon alavn yo avèk enflasyon, epi modènize mendèv piblik New York la.

Enfòmasyon sou Empire State Development

Empire State Development se ajans devlopman ekonomik prensipal New York. Misyon ESD se pou pwomouwva yon ekonomi ki djanm ak pwospè, ankouraje kreyasyon nouvo travay ak opòtinite ekonomik, ogmante resèt pou Eta a ak minisipalite li yo, epi fè ekonomi lokal yo vin estab ak divèssifye. Gras a itilizasyon prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon travay epi sipòte kominote pwospè yo toupatou nan Eta New York. ESD se egalman ajans administratif prensipal k ap kontwole Konsèy Devlopman Ekonomik Rejyonal (Regional Economic Development Councils, REDCs) Eta New York la ak komèsyalizasyon "I LOVE NY", mak touristik anblematik Eta a. Pou jwenn plis enfòmasyon sou Konsèy Rejyonal yo ak Empire State Development, vizite www.esd.ny.gov ak <http://www.esd.ny.gov>

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)